

OBJAŠNENJE O VAŠIM PRAVIMA

U slučaju da ste podvrgnuti ispitivanju o
krivičnim djelima za koja vas mogu teretiti, a
NISTE ZADRŽANI U PRITVORU

1/2

1. Pravo na povjerljivo savjetovanje sa advokatom i pravnu pomoć tokom saslušanja

A. Kada?

- Imate pravo na povjerljivo savjetovanje sa advokatom prije prvog ispitivanja i na pravnu pomoć tokom ispitivanja.
- Kada su krivična djela o kojima ćete biti ispitani kažnjiva zatvorskom kaznom, primjeniće se procedura po C.

B. S kojim advokatom?

- Možete se posavjetovati sa advokatom po vlastitom izboru.
- Pod određenim zakonskim uvjetima možete zatražiti besplatnu ili djelimično besplatnu pomoć advokata. U tom slučaju od advokatske komore morate zatražiti da vam odrede advokata po službenoj dužnosti.

C. Kako se odvija povjerljivo savjetovanje?

Ako ste primili pisani poziv u kojem se navode prava iz točaka 1 do 4 i u kojem se navodi da se od vas očekuje da ste se posavjetovali s advokatom prije dolaska na ispitivanje:

- Više nemate pravo zahtijevati odgađanje, pošto ste već imali priliku da se posavjetujete s advokatom.
- Ukoliko ne tražite pomoć advokata, prije početka ispitivanja vas moraju uputiti na vaše pravo na šutnju (vidi pod tačkom 3).

Ukoliko niste dobili pismeni poziv ili taj poziv nije bio cjelovit:

- Imate pravo samo jednom da zatražite odgađanje ispitivanja za neki drugi datum ili u drugo vrijeme da biste se posavjetovali s advokatom.
- Možete odabrati da se sa svojim advokatom čujete telefonskim putem nakon čega može početi Vaše ispitivanje.
- Možete sačekati dolazak svog advokata do mjesta saslušanja.

D. Pravna pomoć tokom ispitivanja?

Vaš advokat će osigurati sljedeće:

- da se poštuje vaše pravo na šutnju i vaše pravo da ne optužite samoga/samu sebe;
- da se prema vama korektno ophode tokom saslušanja i da se nad vama ne vrši nedopušteni pritisak ili prisila;
- da budete obavješteni o svojim pravima i da se ispitivanje odvija na zakonit način.

Ako Vaš advokat ima primjedbi na ovu tačku, on može zatražiti da se iste odmah unesu u policijski zapisnik. Vaš advokat može zahtijevati da se provedu određene istražne radnje ili da se ispita određena osoba. Advokat može tražiti pojašnjenja o pitanjima koja su vam postavljena. On/ona može uputiti komentare o istražnim radnjama i o ispitivanju. Advokat nema pravo odgovarati na pitanja umjesto vas niti ometati ispitivanje.

OBJAŠNJENJE O VAŠIM PRAVIMA

U slučaju da ste podvrgnuti ispitivanju o
krivičnim djelima za koja vas mogu teretiti, a
NISTE ZADRŽANI U PRITVORU

2/2

E. Odricanje ovog prava

Niste obavezni zatražiti savjetovanje s
advokatom ni pravnu pomoć

Nakon što ste dobro razmislili, možete se
dobrovoljno odreći ovog prava, ukoliko ste:

- punoljetni;
- potpisali i datirali dokument kojim se
odričete tog prava.

2. Kratko obavještenje o krivičnim djelima

- Imate pravo da budete ukratko
obaviješteni o činjenicama o kojima
ćete biti ispitivani.

3. Pravo na šutnju

- Ni u kom slučaju ne možete biti
prisiljeni da optužite samoga/samu
sebe.
- Nakon što potvrdite svoj identitet,
možete odlučiti da li želite dati izjavu,
odgovoriti na pitanja ili se braniti
šutnjom.

4. Druga prava tokom ispitivanja

Ispitivanje počinje određenim brojem
saopćenja. Osim ponovnog kratkog pregleda
krivičnih djela i obavještenja o pravu na
šutnju, bit ćete obavješteni i o sljedećem:

- Imate pravo da zahtijevate da sva
pitanja koja Vam budu postavljena i svi
odgovori na njih budu zabilježeni Vašim
riječima;
- Imate pravo da zatražite provedbu
određenih istražnih radnji ili ispitivanje
određenih osoba;

- Vaše izjave mogu se upotrebiti kao
dokazi na sudu.
- Niste uhapšeni ni pritvoreni i slobodno
se možete kretati i otići u bilo kom
momentu.
- Tokom ispitivanja možete koristiti
dokumenta kojima raspolazete ukoliko
to ne odgađa ispitivanje. Tokom
ispitivanja ili nakon završetka istog,
možete zahtijevati da ta dokumenta
budu uvrštena u policijski zapisnik s
ispitivanja ili da budu deponirani u
sudskoj pisarnici.

5. Na kraju saslušanja

Na kraju razgovora dobit ćete mogućnost
da pročitate tekst razgovora. Možete
također zatražiti da vam tekst razgovora
bude pročitano.

Pitat će vas da li nešto želite promijeniti ili
dodati u vašoj izjavi

6. Pomoć prevodioca

- Ukoliko želite da se koristite nekim
drugim jezikom umjesto jezikom
postupka, bit će pozvan stalni sudski
tumač da Vam pomogne tokom
ispitivanja. Usluge sudskog tumača su
besplatne.
- Mogu od Vas zatražiti da zapišete svoje
izjave na svom jeziku.

Možete zadržati ovo objašnjenje o Vašim pravima